

«№58 Ы.Алтынсарин атындағы шағын жинақты жалпы білім беретін мектебі» коммуналдық мемлекеттік мекемесінде

«Ата-аналармен жұмыс» күні тақырыбында кезектен тыс өткізілген ата-аналар жиналысының хаттамасы

09.11.2023ж

Жиналысқа

катыскандар: Мектеп директоры м.у.а Е.Махамадханов, мектеп әкімшілігі және ата-аналар, жалпы-22

Күн тәртібінде:

1. **«Қылмыссыз балалық шақ»** тақырыбындағы айлық іс-шараның мақсатымен таныстыру.
(МД м.у.а Е.Махамадханов)
2. **«Бала қауіпсіздігі – басты назарда»** кәмелетке толмаған балалардың қауіпсіздігін қамтамасыз ету мақсатында (Баяндамашы: ДТЖЖО: А.Ибрагимов)
3. **«Тұрмыстық зорлық-зомбылықтың алдын алу»** және **«Ата-аналармен сауалнама»** тақырыптарында жұмыс жүргізу мақсатында (Баяндамашы: Мектеп педагог-психологы: Е.Махамадханов)

1. Күн тәртібіндегі бірінші мәселе бойынша мектеп директоры м.у.а Е.Махамадханов аудан көлемінде, соның ішінде «№58 Ы.Алтынсарин атындағы шағын жинақты жалпы білім беретін мектебі» коммуналдық мемлекеттік мекемесінде кәмелетке толмағандар арасындағы және кәмелетке толмағандарға қарсы жасалатын құқық бұзушылықтың, оның ішінде зорлау сипаттағы қылмыстардың, ерте жүктіліктің, аутодеструктивті мінез-құлықтың алдын алу мақсатында жарияланған «Қылмыссыз балалық шақ» тақырыбында іс-шаралар айлығы бастау алғандығын айтып сөзін бастады. Е.Махамадханов жиналыстың күн тәртібімен және айлық іс-шараның мақсат міндеттерімен таныстырып өтті. Ол сөз кезегінде Қазақстан Республикасының Конституциясына сәйкес неке мен отбасы, ана мен әке және бала мемлекеттің қорғауында болады. Алайда бүгінгі таңда баланың денсаулығы мен өміріне қауіп әлі де жоғары. Соңғы кездері кәмелетке толмағандарға қатысты заңға қайшы әрекеттер факторлары жиіленіп кетті. Жыл сайын жүздеген бала қылмыстың құрбаны болады. Оқу орындарында немесе оның маңайында болатын құқық бұзушылық алаңдатушылық тудыруда. Сонымен қатар қазіргі уақытта мектеп жасындағы балалардың көпшілігі бос уақыттарын ғаламторға, ұялы телефондарындағы әртүрлі бағдарламаларға қараумен өткізетіндігін, кейбір кездегі ғаламторға жағымсыз жаңалықтардың, бейнекөріністердің әсерінен баланың көзқарасы, психологиясы өзгеріп, ұрлық-зорлық әрекеті мен құқық бұзушылық фактілері орын алып жатады. Сондықтан әлеуметтік желілер арқылы жағымсыз көп ақпараттардың тез тарайтынын, балаларының ұялы телефонында тыйым салынған сайттарға кіріп-шығу, қолдану уақыттарына құрметті ата-аналар ерекше назар аударуларыңызды сұранамын деді.

2. Күн тәртібіндегі екінші мәселе бойынша мектеп директорының тәрбие жұмысы жөніндегі орынбасары А.Ибрагимов «Бала қауіпсіздігі – басты назарда» тақырыбында ұлдар және қыздар тәрбиесі жайлы сөз бастады. Жиналыс барысында мектептің ДТЖЖО А.Ибрагимов кәмелетке толмаған балалардың қауіпсіздігін қамтамасыз ету мақсатында аудандық және мектепшілік түрлі тақырыптарда іс-шаралар өтіп жатқандығын және алдағы уақыттарда жүргізілетіндігін айтып өтті. Онда Бала құқығын бекітетін маңызды заңдарға «Неке (ерлі-зайыптылық) және отбасы туралы» Кодексі, «Қазақстан Республикасындағы баланың құқықтары туралы», «Білім туралы», «Мемлекеттік жастар саясаты туралы», «Балалы отбасыларға берілетін мемлекеттік жәрдемақылар туралы», «Кәмелетке толмағандар арасындағы құқық бұзушылықтардың профилактикасы мен балалардың қадағалаусыз және панасыз қалуының алдын алу туралы», «Отбасы үлгісіндегі балалар ауылы және жасөспірімдер үйлері туралы» және тағы басқа да заңдар жатады. Кәмелетке толмағандар арасындағы құқық бұзушылық пен қылмыстың алдын алу және оны болдырмау бағытында сынып жетекшімен тығыз байланыста болу, ата-анасыз (заңды өкілсіз) шықпауын, ҚР Әкімшілік құқық бұзушылық туралы кодексіндегі 442-1, 442-2 баптарында көрсетілген талаптарды орындап, түнгі сағат 22.00-ден таңғы 6.00-ге дейін ойын-сауық орындарына бармауын, үйден тыс жерде жалғыз

жүрмеуін қадағалауды, жалпы балаларды күнделікті қадағалау керек. Ата-ана әрқашан мектеппен тығыз байланыста болып балалардың қауіпсіздігін ата-аналар тарапынан қамтамасыз ету қажеттігін және ата-аналарға мына мәселелерге назар аударуын сұранды:

- балалардың өзінің жеке басына қатысты мәліметтерді: мекен-жайын, аты-жөнін, туылған жылын, телефон нөмерін, достарының аты-жөндері мен мекен -жайлары туралы ешқашан интернет желісіне енгізбеу керек екендігін, себебі кез-келген адам сенін жеке мәліметінді кері пайдаланатындығын айтып түсіндірді.
- интернет желісінде танысқан достарымен кездескісі келсе міндетті түрде үлкен аға-әпкелер немесе ата-анаға айтып хабарласуын айтты. Себебі интернетте өзіне дос болып көрінген адам мүлде дос емес болуы мүмкін екендігін айтып түсіндірді.

3. Күн тәртібіндегі үшінші мәселе бойынша мектептің педагог-психологы Е.Махамадханов «Тұрмыстық зорлық-зомбылықтың алдын алу» тақырыбында баяндама жасады. Қайсыбір дүниенің болмасын өз қолдану уақыты, мерзімі болады. Күн мен түнді ауыстырған жанның психикасы бұзылып, жүйке жүйесіне қысым келеді. Виртуалды өмірде жасаған әрекетін шынайы өмірде жасап қаншама бала қылмысқа барған. Бала ата-анасының жасағанын айнытпай қайталайды. Таңның атысынан күннің батысына дейін телефонды құшақтап жүретін ата-ананың баласы қандай болмақ? Әлде, олармен жарыса желіні ақтарады ма? Көз майын тауысып, кітап оқиды ма? «Ұяда не көрсең, ұшқанда соны ілерсін» дегендей отбасылардың барлығының жағдайы жақсы бола бермейді, кейбір келеңсіз отбасыларда болады, олармен тек түсіндіру шаралары арқылы ықпал ету жеткіліксіз болады. Бұл жағдайда қоғамдық ықпал медициналық және құқықтық шаралар қолданған жөн. Елімізде көптеген тұрмыстық зорлық-зомбылықтың зардабына ұшыраған балалар да кездесіп жатыр. Және сөз соңында тұрмыстық зорлық-зомбылықтың алдын алу мақсатында «Ата-аналармен сауалнама» тақырыбында жұмыс жүргізді.

Ата-аналар комитетінің төрағасы С.Мамытбеков – «Ұл тәрбиесі», «Қыз тәрбиесі» және «Тұрмыстық зорлық-зомбылықтың алдын алу» тақырыптарына қосымша шолу жасап кетті. Бала тәрбиесіне отбасы тәрбиесінің жауапкершілігін күшейту керектігін, алдағы уақытта қатты қолға алу керектігін айтты. Сондықтан барлығымыз жұмыла әрекет жасауымыз керек деп ойлаймын деп сөзін аяқтады.

Мектеп директоры м.у.а Е.Махамадханов жиналысты қорытындылай келе, осының алдын алу үшін, отбасылық құндылықтарды сақтауды, ата-ана мен бала арасындағы түсініспеушілікті бролдырмауға, үлкендер тарапынан жасөспірімдерге жасалатын қылмыстың алдын алуға байланысты мектеппен тығыз байланыста болуға, ата-ана мен мектеп әкімшілігі тарапында бір жақты шешімде болуда, балаларының қолында міндетті түрде сүйікті кітабы және достарымен таза ауада айналатын уақыты, спортпен шұғылданатын уақыты болуы керек екендігін ата-аналарға ұғындырды.

Жиналыс қаулы етеді:

1. Қорытындылай келе, осы жағдайлардың алдын алдын алу мақсатында отбасылық құндылықтарды сақтау, ата-ана мен бала арасындағы түсініспеушілікті бролдырмау, үлкендер тарапынан жасөспірімдерге жасалатын қылмыстың алдын алуға байланысты мектеппен тығыз байланыста болу, ата-ана мен мектеп әкімшілігі тарапында бір жақты шешімде болу жұмыстары күшейтілсін.

2. Бала тәрбиесінде отбасы тәрбиесінің жауапкершілігін арттыру мақсатында ата-аналардың жауапкершілігі арттырылсын.

Мектеп директоры м.у.а:  Е.Махамадханов

МДТЖО:  А.Ибрагимов

Педагог-психолог:  Е.Махамадханов

Ата-аналар комитетінің
төрағасы:  С.Мамытбеков

Хатшы:  Б.Келдебекова

<https://www.facebook.com/profile.php?id=100033820145035>

